

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### LURRALDE OREKAREN SAILA

**Foru Gobernu Kontseiluaren 251/2022 Erabakia, apirilaren 26koa. Onestea informatika arloan Arabako udalerriekin sinatu beharreko lankidetza hitzarmenaren eredia**

Lurralde Orekaren Sailaren egitura organikoa eta funtzionala onesten duen Foru Gobernu Kontseiluaren abuztuaren 3ko 38/2021 Foru Dekretuaren 8.o) artikuluan xedatutakoarekin bat etorriz, Lurralde Orekaren Sailak berariaz du esleituta toki erakundeetan teknologia berrien erabilera bultzatzeko eginkizuna.

Autonomia Erkidego Osorako Erakundeen eta Bertako Lurralde Historikoetako Foruzko Jardute Erakundeen arteko Harremanei buruzko azaroaren 25eko 27/1983 Legearen 5. artikuluan jaso da aldundiaren gai horretako eskumen araubidea; hain zuzen, foru lurraldeei eskumen eskusiboa esleitzen die toki erakundeen laguntza eta aholkularitza teknikoan.

Estatuaren oinarritzko araubideari dagokionez, Toki Araubidearen Oinarriak arautzen dituen apirilaren 2ko 7/1985 Legeak 36.1g) artikuluan ezartzen du Arabako Foru Aldundiaren berezko eskumena dela administrazio elektronikoko zerbitzuak ematea 20.000 biztanle baino gutxiagoko udalerriei.

Sektore Publikoaren Araubide Juridikoaren urriaren 1eko 40/2015 Legearen 3.2 artikulua xedatzen du administrazio publikoek bitarteko elektronikoen bidez izango dituztela harremanak beren artean, haietako bakoitzak hautatutako sistema eta konponbideen elkarreragingarritasuna eta segurtasuna ziurtatuta. Aurreko lege hori garatzeko, martxoaren 30eko 203/2021 Errege Dekretuaren bidez, onespena eman zitzaion sektore publikoaren bitarteko elektronikoen bidezko jardueraren eta funtzionamenduaren araudiari.

Azkenik, Toki Ogasunak arautzen dituen Legearen testuategiaren onesten duen martxoaren 5eko 2/2004 Legegintzako Dekretuak zortzigarren xedapen gehigarriko 3. puntuan xedatutakoaren, apirilaren 27ko 2/2012 Lege Organikoak ezarritakoaren eta Euskal Autonomia Erkidegoarekiko Ekonomia Itunaren Legeak 48. artikuluko bosgarren paragrafoan jasotako subrogazio klausularen arabera, foru aldundiek izango dute eskumena, bakoitzak bere lurralde eremuan, toki erakundeekin hitzarmenak sinatzeko, aipatutako toki erakundeen ekonomia eta finantzen, kontabilitatearen eta aurrekontuaren kudeaketaren barneko kontrola eta fiskalizazioa egiteko ardura duten organoen autonomia eta eraginkortasuna indartzeko.

Arabako Lurralde Historikoak tresna informatikoak eman dizkie etengabe Arabako toki erakundeek joan den mendeko 1980ko hamarkadatik aurrera, erakunde horien barne kudeaketa egokia egiten laguntzeko. Erakundea eta kanpo harremanak garatzeko prozesuaren berezko zati gisa, 2011. urteaz geroztik, aldundiak administrazio elektronikoko programak jarri ditu udalen eta kuadrillen eskura.

Foru Aldundia 2021ean hasi zen Araba Digital programa bultzatzen, zeinak helburu baitu lurraldeko administrazio publikoen lan egiteko modua eraldatzea.

Hitzarmenaren eragin ekonomikoak 5.032.000,00 euroko kostua aurreikusten du 2026ra arte. Alde horretatik, Arabako Foru Aldundiak 2022rako duen aurrekontuan honako partida hau dago: "10202. G/491100/64100102 Lurraldearen Digitalizazio Integrala. AKSA. AKK". Hitzarmenaren eranskinean zehazten dira hitzarmena gauzatzeko aurreikusitako gastuak, eta lehenengo klausulako A) apartatua garatzen dute.

Hitzarmenak tresna egokiak direnez administrazioen arteko lankidetzak formalizatzeko, Foru Aldundi honen asmoa da epe ertaineko akordio bat izenpetzea proposatzea gaur egun kudeaketa aplikazioen sistema informatikoaren barruan dauden udal, kuadrilla, partzuergo eta administrazio batzarrei.

Arabako Foru Aldundia prest dago bere eremuko udalei behar duten laguntza teknikoa emateko, udalek barneko administrazio kudeaketako tresnak izan ditzaten, bai eta herritarrekin bitarteko elektronikoen bidez harremanetan jartzeko ere.

Nolanahi ere, Arabako Foru Aldundiaren lana ez da hor amaitzen; aitzitik, toki erakundeei lagundu behar die haien eraldaketa digitalean. Horretarako, tresna informatikoak ezartzeko behar den aholkularitza indartzea aurreikusi da, bai eta erabiltzaileei arreta emateko zerbitzua berrantolatzea ere.

Horregatik guztiagatik, Lurralde Orekaren Saileko foru diputatuaren proposamenez, eta Foru Gobernu Kontseiluak gaur egindako bilkuran gaia aztertu ondoren, honako hau

#### ERABAKITZEN DUT

Lehenengoa. Onespina ematea Arabako Foru Aldundiaren eta Arabako Lurralde Historikoko udalen arteko informatika arloko lankidetzarako hitzarmen ereduari, zeina erabaki honen eranskin baita eta Arabako Foru Aldundiak hura gauzatzeko aurreikusita dituen aurrekontu gastuen banaketa jasotzen baitu.

Bigarrena. Baimena ematea Lurralde Orekaren Saileko diputatuari, erabaki hau aplikatuz, gaur egun tokiko kudeaketa informatikoaren sistemaren barruan dauden Arabako toki erakundeekin sinatzen diren hitzarmenak formaliza ditzan, bai eta haiek gauzatzeko beharrezkoak diren egintza guztiak eman ditzan ere.

Hirugarrena. Lankidetzak hitzarmenaren eredua ALHAOn argitaratzea, bai eta aurrerantzean formalizatzen diren hitzarmenak ere.

Vitoria-Gasteiz, 2022ko apirilaren 26a

*Diputatu nagusia*

**RAMIRO GONZÁLEZ VICENTE**

*Lurralde Orekaren Saileko foru diputatua*

**IRMA BASTERRA UGARRIZA**

*Lurralde Orekaren zuzendaria*

**JESÚS MARÍA GUINEA DÍAZ DE OTALORA**

**I. ERANSKINA****BILDU DIRA**

Alde batetik, Irma Basterra Ugarriza, Arabako Foru Aldundiko Lurralde Orekaren Saileko diputatua, hitzarmen hau sinatzeko ahalmena duena, Foru Gobernu Kontseiluaren xxaren xx(e)ko xx/2022 Erabakiaren arabera.

Bestetik, xxx, xx(e)ko Udaleko alkate-lehendakaria, hitzarmen hau sinatzeko ahalmena duena, xxx(e)ko Udalbatzaren 2022ko xxxaren xx(e)ko Erabakiaren arabera.

Alderdiek hitzarmen hau sinatzeko behar den gaitasuna onartzen diote elkarri eta honako hau,

**ADIERAZTEN DUTE**

I. Toki Araubidearen Oinarriak arautzen dituen apirilaren 2ko 7/1985 Legeak 36.1g) artikuluan ezartzen du Arabako Foru Aldundiaren eskumena dela administrazio elektronikoko zerbitzuak ematea 20.000 biztanle baino gutxiagoko udalerriei.

Gainera, 36.1.b) artikuluan, udalei laguntza emateko eta haiekin lankidetzan aritzeko berezko eskumena esleitzen zaie aldundiei, bereziki gaitasun ekonomiko eta kudeaketa gaitasun txikiena dutenekin.

II. Sektore Publikoaren Araubide Juridikoaren urriaren 1eko 40/2015 Legean jasotako definizioaren arabera, hitzarmenak dira ondorio juridikodun akordio batzuk, administrazio publikoek sinatuak, xede komun bat lortze aldera.

III. Bestalde, Administrazio Publikoen Administrazio Prozedura Erkidearen urriaren 1eko 39/2015 Legeak zenbait betebeharrak ezartzen dizkie toki erakundeei, herritarrekiko harremanei eta espedienteak izapidetzeko erari dagokienez.

IV. Foru aldundiak toki erakundeen esku jarri du udalen eta beste toki erakunde batzuen kudeaketa integralerako sistema informatiko bat, Arabako toki erakundeei administrazio elektronikoki dagokionez eraginkortasun funtzional osoa lortzeko beharrezkoak diren zerbitzuak eskaintzeko. Gainera, toki erakundeentzako barne kudeaketa integrala ahalbidetzen duten beste modulu batzuk ere baditu sistemak.

Modulu hauek ditu, gaur egun:

A) Administrazio elektronikoko moduluak (legez nahitaezkoak):

- Hirugarrenen eta lurraldearen moduluak.
- Sarrera eta irteera erregistroaren moduluak.
- Idazkaritza moduluak.
- Herritarrak atenditzeko zerbitzuaren moduluak.
- Egoitza elektronikoen moduluak.
- Espedienteak kudeatzeko moduluak.

B) Barne kudeaketako moduluak (ez dira nahitaezkoak Arabako Foru Aldundiarentzat):

- Biztanle erroldaren moduluak.
- Hauteskunde moduluak.
- Diru sarreren eta dirubilletaren kudeaketa moduluak.
- Kontabilitate moduluak.
- Ondare moduluak.
- Nomina eta gizarte aseguruaren moduluak.

V. Arabako Foru Aldundiaren asmoa da udalerriei eta beste toki erakunde batzuei zerbitzu hori eskaintzen jarraitzea. Horiek horrela, hitzarmen eredu hau onetsi da, eta sistema erabiltzeko baldintzak epe luzera formalizatu nahi dituzten erakundeek sinatu dute, eta

#### ADOSTEN DITUZTE

Klausula hauek:

Lehenengoa. Hitzarmenaren xedea (49.c artikulua) Sektore Publikoaren Araubide Juridikoaren Legea (SPAJL).

Hitzarmen honen xedea da oinarritzko baldintzak ezartzea xx(e)ko Udalak Arabako Foru Aldundiak bere eskura jarri duen udalen eta beste toki erakunde batzuen kudeaketa integralerako sistema informatikoa erabiltzeko.

Bigarrena. Alderdiek onartzen dituzten betebeharrak eta konpromisoak (SPAJL, 49.d artikulua) eta horiek bete ezean jasango dituzten ondorioak (SPAJL, 49.e artikulua).

A) Arabako Foru Aldundiaren betebeharrak:

xx(e)ko Udalari aholkularitza eta laguntza teknikoa eta operatiboa ematea, udal administrazio elektronikoa ezartzeko eta eguneratuta mantentzeko.

Arabako Foru Aldundiak administrazio elektronikoko moduluak emango dizkio xxx(e)ko Udalari. Horrez gain, barne kudeaketako moduluak erabiltzeko aukera emango dio, betiere aurrekoak erabiltzen badira.

Foru aldundiak administrazio elektronikoaren arloan dauden betebeharrak betetzeko behar diren baliabideak eman beharko dizkio uneoro xxx(r) i.

Ildo horretan, foru aldundiak sistemaren moduluak aldatu ahal izango ditu, betiere horien funtzionaltasuna lehendik dauden antzekoa edo handiago bada. Kasu horretan, Arabako Foru Aldundiak sisteman dauden datuen migrazioa bermatu beharko du.

Arabako Foru Aldundia arduratuko da sistemaren arkitektura aukeratzeaz. Sistemak berak dituen datuen segurtasuna eta osotasuna bermatu beharko ditu.

Horrez gain, foru aldundiak erabiltzaileei arreta emateko zentro bat eta behar den prestakuntza emango die toki erakundeko langileei.

Arabako Foru Aldundiak zuzenean eman ahal izango ditu zerbitzu horiek guztiak, edo administrazio kontratazio publikoaren arloan jasotako mekanismoen bidez.

B) xxxx(e)ko Udalaren betebeharrak:

xxxx(e)ko Udalari dagokio udalen eta beste toki erakunde batzuen kudeaketa integralerako sistema informatikoaren moduluen funtzionamendurako beharrezkoa den mikroinformatika eta oinarritzko softwarea (sistema eragilea, ofimatika, antibirusa, sinadura elektronikoa...) hornitzea.

Erakundea izango da datuen jabea, eta Datu Pertsonalak Babesteko eta Eskubide Digitalak Bermatzeko abenduaren 5eko 3/2018 Lege Organikoak ezarritako betebeharrak bete beharko ditu.

Hirugarrena. Hitzarmenean ezarritako kudeaketa esleipena gauzatzen den jarraitzeko, zaintzeko eta kontrolatzeko mekanismoak (SPAJL, 40.f artikulua).

Jarraipen batzordea eratzen da, alderdien arteko lankidetzeta eta harremana estuak izan daitezzen eta hitzarmenaren xedea gauzatzeko egin beharreko jarduketak ondo koordinatzeko. Hona hemen kideak:

- Arabako Foru Aldundiaren bi ordezkari.
- Hitzarmen hau sinatzen duten toki erakundeen bi ordezkari.

Jarraipen batzordea alderdietako edozeinek eskatuz gero bilduko da, hitzarmena behar bezala betetzeko lanetan sortzen diren auziak aztertzeko.

Alderdiek hitzematen dute elkar hartuta aurkituko dietela irtenbidea hitzarmen hau edo honen ondoriozko erabaki espezifikoak interpretatu edo betetzean sor daitezkeen desadostasunei.

Laugarrena. Hitzarmena aldatzeko araubidea (SPAJL, 49.g artikulua).

Hitzarmen honen edukia aldatu ahal izateko, sinatzaileak ados jarri beharko dira.

Aldaketarik eginez gero, nahikoa izango da egungo klausulen gehigarri bat onestea.

Bosgarrena. Indarraldia (SPAJL, 49.h artikulua).

Hitzarmen hau indarrean egongo da sinatzen denetik 2024ko abenduaren 31ra arte. Indarraldia amaitu baino lehen luzatu ahal izango da, behin bakarrik eta gehienez beste bi urterako; horretarako, alderdien ahobatezko adostasuna beharko da.

Seigarrena. Hitzarmena azkentzeko eta suntsitzeko arrazoiak (SPAJL, 51. artikulua).

Hitzarmen hau indarraldia amaitutakoan azkenduko da, edo suntsiarazteko arrazoren bat sortzen denean.

Hitzarmena suntsiarazteko arrazoiak dira:

a) Hitzarmenaren indarraldia igarotzea hura luzatzea adostu gabe.

b) Sinatzaile guztiek edo haien karguetako ondorengoek aho batez adostea hitzarmena suntsitzea.

c) Oro har, alderdietako batek hitzarmen honetatik eratorritako betebeharrak ez betetzea eta, bereziki, sistemaren administrazio elektronikoko moduluak ez erabiltzea.

Kasu horretan, alderdietako edozeinek errekerimendua helarazi ahal izango dio betebeharra bete ez duen alderdiari, epealdi jakin batean bete dezan bete gabekotzat jotzen den betebeharra edo konpromisoa.

Errekerimenduan adierazitako epea igaro ondoren egoerak bere horretan jarraitzen badu, hau da, ez bada betetzen bete gabekoa, errekerimendua egin duen alderdiak besteari jakinaraziko dio hitzarmena suntsitzeko arrazoa gertatu dela, eta hitzarmena suntsitutzat joko da.

d) Hitzarmena baliogabea dela aitortzea ebazpen judizial bidez.

SPAJLk 52. artikuluan xedatzen duenaren ondorioetarako, alderdiek adosten dute hitzarmena suntsitzeak inolaz ere ez duela ekarriko sinatzaileek kalte ordaina eman beharra.

Zazpigarrena. Hitzarmenaren izaera eta jurisdikzio ordena eskuduna.

Hitzarmen honek administrazio izaera dauka. Hitzarmenaren interpretazioaren eta gauzatzearen inguruan sortzen diren auziak administrazioarekiko auzien jurisdikzioari jakinarazi beharko zaizkio eta haren eskumenekoak izango dira.

Eta ados daudela adierazteko, alderdiek agiri hau sinatzen dute goiburuan adierazitako tokian eta egunean.

**Eranskina: Sistema ezartzeagatik eta mantentzeagatik  
2026. urtera arte zenbatetsitako kostuak**

| KONTZEPTUA                           | JARDUKETA                                   | 2022                | 2023                | 2024                | 2025              | 2026              | GUZTIRA             |
|--------------------------------------|---------------------------------------------|---------------------|---------------------|---------------------|-------------------|-------------------|---------------------|
| Administrazio elektronikoko moduluak | Ezarpena, konfigurazioa eta migrazioa       | 722.000,00          |                     |                     |                   |                   | 722.000,00          |
|                                      | Mantentze lanak eta hedatzeko aholkularitza |                     | 350.000,00          | 350.000,00          |                   |                   | 700.000,00          |
|                                      | Ohiko mantentze lanak                       |                     |                     |                     | 280.000,00        | 280.000,00        | 560.000,00          |
| Barne kudeaketako moduluak           | Ezarpena, konfigurazioa eta migrazioa       |                     | 400.000,00          |                     |                   |                   | 400.000,00          |
|                                      | Mantentze lanak eta hedatzeko aholkularitza |                     |                     | 300.000,00          |                   |                   | 300.000,00          |
|                                      | Ohiko mantentze lanak                       |                     |                     |                     | 250.000,00        | 250.000,00        | 500.000,00          |
| Gastu orokorrak                      | Telelana                                    | 50.000,00           |                     |                     |                   |                   | 50.000,00           |
|                                      | BLZ Front office                            |                     | 60.000,00           | 60.000,00           | 60.000,00         | 60.000,00         | 240.000,00          |
|                                      | BLZ Herritarrek                             |                     | 70.000,00           | 70.000,00           | 70.000,00         | 70.000,00         | 280.000,00          |
|                                      | Espediente historikoen gordailua            | 130.000,00          |                     |                     |                   |                   | 130.000,00          |
|                                      | Erabilgarritasuna hobetzea                  |                     | 50.000,00           | 150.000,00          | 150.000,00        | 50.000,00         | 400.000,00          |
|                                      | AKSA baliabide zuzenak                      | 150.000,00          | 150.000,00          | 150.000,00          | 150.000,00        | 150.000,00        | 750.000,00          |
| <b>UDAL INFORMATIKA, GUZTIRA</b>     |                                             | <b>1.052.000,00</b> | <b>1.080.000,00</b> | <b>1.080.000,00</b> | <b>960.000,00</b> | <b>860.000,00</b> | <b>5.032.000,00</b> |